

地 330.179  
42  
印-21-25

卷首

序 修志之義統 凡例

目錄 大埔全圖

卷第一

地理志一

沿革 境界 氣候 (一) 星野

大埔縣志

大埔縣志

鄒魯題

倡修人 鄒進之肖像



進之長治黨坪人敏初胞弟畢業於國立廣東大學法科學院得法學士學位旋服務政界任惠來縣縣長暨鳳陽關監督財政部視察等職勤慎廉明爲上辦所器重生平見義勇爲對公益及文化事業尤爲熱心以本縣縣志久未續修於民國十七年鳳陽關監督任內迭函大埔旅汕同鄉會敦促進行並捐五千元以爲之倡熱誠卓識衆咸稱之此次修志之成功實其提倡之力也

贊修人 鄒敏初遺像



其行 謹誌 本志 卷廿 二人 物門

助修人 藍晉臣遺像



助修人 戴忻然遺像



助修人 羅卓英肖像



民國新修大埔縣志卷首

序  
修志職員表  
凡例  
目錄  
大埔全圖

總纂溫廷敬審輯

序一

史籍爲人類現實生活之反映與人類鑑往知來因應事物之實錄前代之文物典章昔賢之豐功駿烈莫不傳之於史其效用不特可使讀者油然而興起愛羣愛國之熱忱且可使發生創造偉績控制自然改善生活之宏願故謀興國者必由史取法反之致喪邦者亦必由史造因齊襄公復九世之仇春秋大之桀紂罪人亡也忽焉是知多難興邦足資借鏡數典忘祖必致覆車我國史籍遺傳甚古中央與地方各有專書中央史籍昉自尙書其內容除敘言述事寓意褒貶明示善惡以爲人類立身治國之借鑑外復詳敷土設州山川物產貢賦制度以爲施政設教之經法實有現代史最優美之含義地方史籍則上紹尙書而濫觴於晉乘楚檣杌及魯春秋分衍爲後世省府州縣志詳列當地境界山川名勝及人物傳記用垂久遠因其敘述之範圍小故記載較中央史籍加詳夙爲觀風問俗導民資治者所重視其重要性視中央史籍實無多讓魯成童受史卽以爲中華民族能張皇先緒歷史弗替者實肇端於史迨弱冠從事革命益致力於史未嘗因事冗少懈忝蒙 國父加以獎許特命從事於三月廿九日革命史及本黨黨史之編纂 國父逝世後益思光大遺命於民國二十一年續主國立中山大學校政時將廣東通志館隸屬於中山大學實際進行地方志之修輯並將編纂工作配合於整個學校之學術研究工作內如關於天文者交諸天文學系關於礦

產者交諸地質學系關於動植物者交諸生物學系關於農產者交諸農學系院之類卽其例也承各同事各同學熱烈贊助全稿均已完成惟以絀於經費故僅在學校經費項下力予搏節撥印一部份列傳餘仍待刊厥後廣州頻遭倭寇侵襲中山大學遷雲南激江未竟全功恆覺疚心邇來大埔人士修輯縣志又以事牽未能躬與其盛比聞縣志已告殺青遠道貽書徵序魯以志同道合樂觀厥成敬綴弁言並進而貢其一得之愚以冀少補前憾竊思我國建國奉

國父遺教爲圭臬 國父遺教中之建國大綱則以縣爲自治單位是縣志與政治之關係更形密切從可知矣建國大綱規定縣地方自治之始基以全縣人口調查清楚全縣土地測量完竣全縣警衛辦理妥善四境縱橫之道路修築成功而其人民曾受四權使用之

訓練而完畢其國民之義務誓行革命之主義者爲條件故縣志之修纂須配合建國偉業之進行於紹述先哲前徵列叙當地文物外兼將社會方面之人口語言風俗習慣歷史宗教經濟生活及自然方面之地形地質氣候農產礦產工業產品等詳爲記載則地方自治基礎之建立而三民主義國家之完成亦將因之較易廣東爲革命策源地而大埔又魯之故鄉也謹書此以就正於編者對於梓桑文獻尙亦有壤流之助乎故爲之序

中華民國三十二年元旦國民政府委員鄒魯識於重慶復興居

序二

邦國有志昉自周官春秋爲書等諸邑乘今縣城猶古之侯國而方志實史之縮影也舉凡山川文物之資料政教風尚之蛻變筆之於

書麗之以實用以反映社會活動之過程足資地方建設之基準其價值之可珍固無待辭費已第茲事體大厥難有四時代革新資料彌賾孰因孰革則定例難觀點正確質量精審宜古宜今則主編難國難方殷縣政尤劇或作或述則彙稿難物質缺乏費用浩繁毋輟毋怠則付印難故居今而計及縣志寧咄嗟可圖事吾埔故乘缺修有年矣民十八年劉縣長碧根倡新之溫先生丹銘實主之助編及採訪者皆爲邑之耆宿或誠樸之士詎付印未半而倭寇逼侵潮汕淪陷帑帑幾佚賴何君矧堂展轉挾之歸埔時余督師贛北憂切鄉關因馳電李縣長善餘設法採取志稿就其功半而未竟者請羅淑和先生董成之乃克實現所願良爲大幸嗣奉命遠征飛越緬印雖戎機鞅掌時復縈懷弗置旋邑之人士以齎厥志事聞余幸其於寇獻之徵不更視故乘彌可珍乎爰樂而爲之序

中華民國三十一年十一月一日

中國遠征軍第一路司令長官羅卓英撰於印度

### 序三

縣之有志猶國之有史也其紀載之體例與範圍之廣狹雖不無或異然紀其所當紀之事使後之人徵文考 有所觀感其大旨則同故吾國大小各縣莫不有志經過若干時期卽莫不重修關繫之重概可知也吾埔縣志始於明嘉靖三十七年爲邑侯吳思立所創厥後續修者有張志宋志蘭志洪志等至清同治癸酉秋復有張公鴻恩之重修迄此次開局修志已五十有五年矣邑人士恐舊志散失

文獻無稽朝代變遷諸多扞格若不急起而圖卽有偉大之事業或將湮沒而不彰豈不可惜是以迭次商議決定進行民國十七年鄒君進之任鳳陽關監督貽書吾埔旅汕同鄉會願捐廉五千元以爲修志倡翌年春旅汕同鄉組會籌備歷二月而成局超忝爲總辦所任總分纂及顧問與徵訪等皆吾埔先進學問道德衆所欽崇越明年秋新編纂者大致就緒惟於舊志人物一門經溫總纂博考羣書務求正確增刪潤色慘淡經營未能卽時脫稿適廣東通志館聘溫總纂爲編纂住館主持身兼二事稍延時日至廿四年冬志稿始全數殺青遂急籌巨款在汕限期訂印詎抗戰事起時局動搖不惟印務中途停頓卽印成之卷帙亦散失過半變生意外莫不慨然幸何君矧堂冒盡艱險始將原稿及所存卷帙運回原籍得以保全中經

數年受時勢之影響欲續辦而未遑至昨歲羅司令長官尤青提倡續印力任其成卽函羅君淑和經理其事當倉皇戎馬間竟能顧念及此其重視邑志之熱誠良堪欽佩茲得地方官紳努力續辦使未成之事得以觀成亦云幸矣溯此志之修前後不覺十餘寒暑超年來爲國家環境所驅使日飄泊於東南西北之間致應辦之事因遭變故不獲貫徹始終此誠既往所深憾者也特自今思之又似有可喜者在焉蓋採訪入志之事於十九年秋停止後吾埔人物若忠烈若仕宦若學位有功於國有名於時足令人欽仰者不知增加幾許如使印務早成在此長期中雖有特出之人物卓絕之事蹟亦必待後數十年之修志始有紀載之可觀茲因遲遲成書之故乃得重新調查詳細補入爲邑志增無數之光榮豈非大可喜之事乎嗚呼橫

覽全球風雲則極端變幻返觀吾邑志乘則相慶完成希望從今以後韓江茶嶺間縣封永盛俾斯志之流傳與天地無終極豈不懿歟是爲序

中華民國三十一年七月歷任饒平大埔縣長劉織超謹識

序四

志書者一地文獻之所寄所以記載疆域沿革名勝古蹟險要交通物產水利人物風俗之書也郡縣有志國省亦莫不有志雖範圍之廣狹記事之體例容有不同而所以察山川之形勢考政治之得失覘人文之興替明風俗之盛衰俾後之人得以稽往知來有所懲勸則一也大埔居韓江上游人物冠潮郡有清同治間張侯鴻恩攝邑篆稱其山蔥蒨以巍峨其水清澈以揚波其人崇禮義敦教化街傭

榮卒罔不知書（見舊志張鴻恩序語）故在昔科舉時代科第簪纓龍驤鵬起迨新學已興教育之盛窮鄉僻壤絃誦不絕晚近十年進展尤速若縣立一中之一再擴充學子日衆虎山公學之規模宏大甲於東江以及百侯大麻高陂三河各中學亦莫不孜孜求進不甘自畫是以人材輩出稱盛一時此蓋埔人濯磨自喜之風氣使然（嘉慶洪志洪侯先燾序文有潮之屬土瘠賦薄莫如埔濯磨自喜亦莫如埔語）其由來舊矣余於二十八年春來宰是邦簿書之暇嘗留心邑中文化而於文獻攸關之志書尤加致意因悉縣志之修自明嘉靖戊午至清同治癸酉三百一十五年中已經六次民十八復在汕設局重修民廿五付印因抗戰軍興中途停頓深以功虧一簣爲憾職責所在決廣續辦理以竟全功乃一面派員接收志稿及

在汕印就之一部份志書運回縣府保管一面設法籌款進行編印  
會遠征軍羅司令長官卓英自贛馳書敦促並介紹羅君淑和負編  
輯（未完稿）訂印校對之責去年一月五日全縣糧食治安會議  
復通過由本縣救濟會撥借五萬元爲印刷費負責得人經費有着  
工作遂順利開展其中除仕宦遊學等表重新調查黨務門搜集增  
編（均至三十年代止）並增加選舉表人物傳多篇（如陳烈士  
文褒傳等）及光復北伐剿赤抗日諸役陣亡將士姓名外爲省時  
省事計餘均照原稿付梓至於曩日印成之本亦用以備數不復重  
印雖前後紙張不同未能劃一然已省人力物力且表此志之成受  
盡磨折而彌足珍貴尤具重大意義是志也始於十八年夏迄于三  
十二年春歷時十餘稔飽經國家擾攘人事變遷卒能全部殺青鐫  
民國大埔縣志 卷首 序 六

諸梨棗與邑內外人士相見不可謂非幸事而提倡諸賢慘淡經營  
之苦心與全邑人士熱烈殷切之期望亦庶幾不致辜負也已

中華民國三十二年春月大埔縣長李善餘撰

# 序五

一切之決定在人故先哲嘗言爲政在人得人則興吾埔自明嘉靖  
間建縣以來代有堅貞特立之士挺拔卓犖之才發文事而奮武功  
故雖稱小邑夙爲嶺表名區 國父提倡革命邑之志士追隨舉義  
者頗多其僑居海外輸財響應及捨身爲主義而奮鬥而犧牲者更  
衆黨國先進鄒海濱先生暨黃花岡七十二烈士中之陳文褒其最  
著者也抗戰軍興羅吳二長官膺黨國之重寄與倭寇轉戰於大江  
南北屢建殊勳而羅長官更奉命率遠征軍遙赴緬甸與英美盟邦

並肩作戰消滅倭寇開中華二百年來之新史頁尤足爲吾邑之光  
同時邑中俊傑在全國各戰區充任將校者達三百餘人其爲尉爲  
士爲佐屬爲兵伏在前線在後方參加抗建大業者則又成千累萬  
此種精神豈特邑乘之光正氣磅礴實足與山河並壽日月爭輝也  
博平前線歸來長校於虎山公學者五年今春奉命出長邑政赴任  
之初糧食恐慌達於極點米每石價值五千元以上一般物價隨之  
飛漲因是人心惶惶匪盜蠢動幾有不可終日之勢乃廢寢忘食亟  
籌改治之術對於糧荒則以開源塞流管制平賣諸辦法統之對於  
匪盜則以隔絕封鎖剿撫兼施諸辦法臨之所幸方針既定計畫隨  
之官民合作羣策羣力閱三月而糧價以平匪盜以熄茲者局勢漸  
定正宜從事縣政之積極工作最低限度對於健全基層完成自治  
民國大埔縣志

修志職員表

倡修 鄒進之

贊修 鄒敏初

助修 戴忻然 藍晉臣 羅卓英

董修 劉織超 李善餘 羅博平

總辦 劉織超

會辦 郭概如 蕭惠南

總纂 溫廷敬

分纂 蕭傳霖 局數日未曾工作遽以病逝 范貞士 丘星五 錢熱儲

曾籍雅 因事未就

整編 羅淑和

顧問 李谷生 鄭袞臣

特訪員 溫秀儒

徵訪員 饒秀升 林英三 張文華 陳頌唐

羅杏村 楊瓊石 郭仙裁 羅淑和

旅外徵訪員 黃斐珊(泰越) 何矧堂(汕頭)

會計 何矧堂

校對 羅淑和

書記 蔡智文

繪圖 何矧堂

捐修 楊虎臣 楊富臣 范其務 鄒愛孚

吉隆坡茶陽會館 黃天民 劉織超

按捐款酬贈辦法凡捐國幣伍百元以上者一律  
題名卷端以上七名合此辦法故題名於此其餘  
捐款人姓名另刊徵信錄內

凡例

一近代志乘之有法者大抵可分爲二種一爲文章家之作朝邑武功二志開其先而魯通父之邳州清河繼之一爲考據家之作謝阮廣西廣東二通志創其始而後來作志者多法之章氏實齋復以史法言修志雖間有一二未易行而孤懷閎識近代無兩茲編取法謝阮語皆徵實事詳出處而于魯氏之講求義法章氏之力爭上流亦均有取焉

一志乘編次亦大抵可分二種一以體分表略錄傳取法史裁一以事類傳表志錄不嫌互廁近日江蘇新定通志目錄亦以事類茲編沿用其例取便觀覽不必更泥史裁

一江蘇通志目錄斟酌時宜新舊並重明令屬內各縣修志大致宜依此着手其不需要門類及特殊關係仍許隨時損益而內政部函轉各省則謂不必強其從同茲編以天文一門邑中無甚可紀故併入地理營建興廢宜詳故仍列一門內政等四門及軍備水工縣事不及省事之繁故併爲經政物產農工商業併爲民生職官宦績有關吏治故仍列一門科目仕宦亦言人物者所必及宋潛說友臨安志進士表卽入人物門故改附人物凡此皆因事制宜並非立異識者諒之

一舊日志乘天文必語災祥地志侈言星野近來明達之士已知闢之矣而里數方向未憑實測山川雜舉不詳脈絡蓋由專家之學未明非盡作者之過歐化輸入學術日新非前人所目覩茲編于此等類不憚改作或加辨正必求正確詳明

一志乘雖僅一地方之述作而承先啓後責任綦重蛻舊壇新折衷  
非易茲編于舊制之因革損益新法之選擇推行要在詳其原委  
俾得知其利弊如教育交通民生人羣四門皆前志所未有尤于  
斯致意而人羣中之氏族方言二類氏族不徒紀現在之各族且  
兼載前此湮沒之各族方言不徒紀今日之語言且推溯古代變  
化之語言俾知變遷遞嬗之由盛衰淘汰之故考古卽以明今于  
閱者不無小補焉

一人物一門舊日志乘拘于地志之體豐功偉績潛德幽光皆約束  
于盈寸之節畧而稱許之間漫無區別文字之體尤不可通或如  
應酬膚語或如案牘文移泛填排偶之辭間雜帖括之句循名按  
實開卷茫然（約舉章實齋文史通義語）章氏已盛譏之矣茲  
民國大埔縣志 卷首 凡例 十一  
編于人物之確有可紀而舊志簡畧者必廣蒐博采務求事實完  
備且不徒摭拾鉅訂要在融會貫串叙述合法神采如生以資讀  
者之流連激發其有足爲史書辨正發明者尤不憚求詳至於子  
弟榮貴表及父兄鄉人請托濫登庸行黃茆白草一望皆同雖未  
便刪削或量爲歸併或改入附表其實爲名流事實無考者止得  
視此婦女節烈無事實者亦同此例庶稍清耳目藉免膚濫

一明代撰述地名官名出身皆喜從古有乖體例茲編所採一律改  
正又出身紀年于年號之下但稱甲子不標年數遂使閱者茫然  
莫知何歲考之正史唐宋及明皆無此例欲求古雅反同啞謎茲  
于所紀甲子俱改爲某年俾一目瞭然不必再勞繙檢

一志乘紀載無徵不信地志引書註明出處宋潛說友臨安志已開

此例吾粵黃佐廣州人物傳歐大任百越先賢志于每傳下皆注明據某某書參修其意最善及清代阮元修國史儒林傳遂集各私家碑志狀傳採錄爲一傳不加點竄徧注出處有同集句之體謝氏修廣西志阮氏修廣東志皆沿其例于所採悉仍原文附注所出述而不作固足矯正庸妄惟于地名官名出身亦復沿原書不改以致有乖義法且亦不免摭拾鉅釘之累陸心源湖州府志雖用阮體間有效黃歐二家融會剪裁不逐段注明出處但於篇末注據某某修或云某書參某書茲編于所採原書不加改竄者（惟地名等不在此例）則末僅注某書而已或有兼採他書亦間逐段注明其融會剪裁者則注據某某參修於述作之意兼重庶免偏執之譏

一吾邑舊志吳思立志不傳外張燮任志亦佚僅見洪志藝文所載之六小序及附引一二條宋嗣京志清學部圖書館目尙存鈔本四卷聞吾邑藏者其闕正同蘭壩志亦有藏者聞體例尙不及洪先燾志洪志亦多蕪雜疎漏錯誤張鴻恩志已云續修乃不自爲書每門攙入洪志之後淆亂已甚茲于宋蘭二志尙未借得所據者僅洪張二志原出洪志者本當注云洪志惟以洪志舊本已非人所易見而實包在張志之內故概注云舊志不更別爲洪張也至胡周二府志則簡云胡志周志阮通志則簡云阮志

一章實齋有言聚衆修書立監置紀尤當考定篇章覆審文字某紀某書編之誰氏某表某傳撰自何人乃使讀者察其臧慝而定其是非庶幾涇渭雖淆淄澠可辨末流之弊猶恃隄防唐宋諸家訖

無專錄遂使經生帖括詞賦雕蟲並得啁啾班馬之堂攘臂汗青之業其於合衆修書不署名之害痛哉言之陸心源歸安縣志于各門後皆自署己名吾師柳介先生修光緒嘉應州志于各門分纂總纂之初輯復輯皆各署名蓋本此意本局諸同人皆一時通才斷不至如章氏所譏然爲負專責及各見所長起見一律署名且願海內之合衆修志者共明此例

目錄

卷首

序 修志職員表 凡例 目錄 大埔全圖

卷第一

地理志一 沿革 境界 晷度(附星野) 氣候

卷第二

地理志二 鄉村上(附戶口)

卷第三

地理志三 鄉村下(附戶口)

卷第四

地理志四 山川 險隘 勝蹟(附塋墓)

民國大埔縣志

卷首

目錄

十四

卷第五

營建志 城池 廨署 黌舍 壇廟 寺觀 坊表

卷第六

經政志上 官制 區畫 田賦(附屯田改賦) 徭役

鹽課 雜賦 捐稅 地方收入

卷第七

經政志下 經費(附地方行政機關經費) 倉儲 救恤

兵防 水工 自治 團保 黨務

卷第八

教育志 儒學 書院 社學 官學 義學 教育局

教育會 學校(中學小學女學師範)